


შპს საქართველოს მაღალი მიღწევების საერთაშორისო აკადემია

საიდენტიფიკაციო ნომერი: 405795714;

დირექტორი: სალომე ბეჟაშვილი (პირადი ნომერი: 01024069332);

თარიღი: 09 სექტემბერი, 2025 წელი

დამტკიცებულია დირექტორის ბრძანებით N09/09/2025/03



საქართველოს მაღალი მიღწევების საერთაშორისო აკადემიის

პროფესიული სტუდენტის / მსმენელის ეთიკის კოდექსი

თბილისი

2025

მუხლი 1. ზოგადი დებულებები

- 1.1. შპს საქართველოს მაღალი მიღწევების საერთაშორისო აკადემია (შემდგომში - აკადემია) წარმოადგენს საგანმანათლებლო აკადემიას და მისი მისიაა შრომის ბაზრის მოთხოვნების შესაბამისად საზოგადოებისთვის ხარისხიანი პროფესიული განათლების მიწოდებით კონკურენტუნარიანი კადრების მომზადება და დასაქმება, ასევე პროფესიული განათლების ხელმისაწვდომობის უზრუნველყოფა და პოპულარიზაცია.
- 1.2. ჰუმანიზმის, ტოლერანტობისა და თანასწორობის პრინციპზე დამყარებული აკადემიის კარი ღიაა ყველასათვის განურჩევლად ეთნიკური კუთვნილებისა, სქესისა, სოციალური წარმოშობისა, პოლიტიკური თუ რელიგიური შეხედულებებისა, მათი სპეციალური საგანმანათლებლო საჭიროებისა თუ შეზღუდული შესაძლებლობისა.
- 1.3. აკადემიის პროფესიული სტუდენტის/მსმენლის ეთიკის კოდექსი (შემდგომში - კოდექსი) განკუთვნილია პროფესიული სტუდენტისა და მსმენლისათვის. იგი საგანმანათლებლო ღირებულებების, კანონმდებლობის შესაბამისად, ადგენს პროფესიული სტუდენტის/მსმენლის ქცევის ზოგად ნორმებს, მათ შორის წამოჭრილი ეთიკური პრობლემების მოგვარების შესაძლო გზებს.
- 1.4. წინამდებარე კოდექსის მიზანია ჩამოაყალიბოს პრინციპები, რომელთა მიხედვითაც უნდა იმოქმედოს პროფესიულმა სტუდენტმა/მსმენელმა.
- 1.5. წინამდებარე კოდექსი მოქმედებს აკადემიის სხვა შიდა სამართლებრივ რეგულაციებთან ერთად და განახლებადია.
- 1.6. აკადემიის თითოეული პროფესიული სტუდენტი/მსმენელი თანაბრად სარგებლობს საქართველოს კანონმდებლობითა და აკადემიის შიდა სამართლებრივი რეგულაციებით მისთვის მინიჭებული უფლებებით.

მუხლი 2. პროფესიული სტუდენტის/მსმენლის უფლებები

- 2.1. პროფესიულ სტუდენტს/მსმენელს უფლება აქვს:
 - 2.2.1. მიიღოს ხარისხიანი პროფესიული განათლება;
 - 2.2.2. საქართველოს კანონმდებლობითა და აკადემიის სამართლებრივი რეგულაციებით დადგენილი წესით ისარგებლოს მისი მატერიალურ-ტექნიკური ბაზით, საინფორმაციო საშუალებებით, ბიბლიოთეკითა და სხვა სასწავლო რესურსებით;
 - 2.2.3. საკუთარი ინტერესების შესაბამისად თავისუფლად დააფუძნოს პროფესიული და სხვა სტუდენტური ორგანიზაციები ან/და გაერთიანდეს მათში;
 - 2.2.4. პროფესიულ სტუდენტს უფლება აქვს საქართველოს კანონმდებლობით დადგენილი წესით ისარგებლოს პროფესიული სტუდენტის მობილობის უფლებით;
 - 2.2.5. დაცული იყოს არასათანადო მოპყრობის, რაიმე საფუძვლით დისკრიმინაციის ან/და შეურაცხყოფისაგან;
 - 2.2.6. თავისუფლად გამოთქვას აზრი და მოითხოვოს მისი უფლებებისა და თავისუფლებების პატივისცემა;
 - 2.2.7. წერილობით გაასაჩივროს პროფესიული განათლების მასწავლებლის/განმახორციელებლის, აკადემიის ადმინისტრაციული პერსონალის ან სხვა პროფესიული სტუდენტის/მსმენლის არამართლზომიერი ქმედება მის მიმართ; პროფესიული სტუდენტის/მსმენლის ზემოაღნიშნული საჩივარი წარედგინება აკადემიის დირექტორს;
 - 2.2.8. სასამართლოში გაასაჩივროს აკადემიის მიერ მის მიმართ მიღებული გადაწყვეტილება;
 - 2.2.9. პროფესიულ სტუდენტს უფლება აქვს აპელაციის წესით ერთჯერადად გაასაჩივროს მის მიერ მიღებული უარყოფითი შეფასება დირექტორის სახელზე წარდგენილი პირადი/კანონიერი წარმომადგენლის განცხადების საფუძველზე;
- 2.2.10. განახორციელოს მისთვის საქართველოს მოქმედი კანონმდებლობითა და აკადემიის სამართლებრივი რეგულაციებით მინიჭებული სხვა უფლებამოსილებები.

მუხლი 3. პროფესიული სტუდენტის/მსმენლის ვალდებულებები

- 3.1. პროფესიული სტუდენტი/მსმენელი ვალდებულია:

- 3.1.1. გაუფრთხილდეს აკადემიის მატერიალურ-ტექნიკურ რესურსს, გამოიყენოს ის დანიშნულებისამებრ და დაიცვას უსაფრთხოების ზომები;
- 3.1.2. არ მოახდინოს ალკოჰოლური სასმელის, თამბაქოსა და საქართველოს კანონმდებლობით აკრძალული სხვა ნივთიერებების რეალიზაცია, რეკლამირება/პროპაგანდა ან/და მოხმარება აკადემიის შენობა-ნაგებობასა და მის საკუთრებაში არსებულ ტერიტორიაზე. თამბაქოს მოხმარება დასაშვებია შინაგანაწესის შესაბამისად აკადემიის დირექტორის მიერ განსაზღვრულ სპეციალურ ადგილას;
- 3.1.3. არ გადაადგილდეს აკადემიის ტერიტორიაზე ალკოჰოლური, ნარკოტიკული, ტოქსიკური ან/და ფსიქოტროპული თრობის მდგომარეობაში.
- 3.1.4. არ ატაროს და არ გამოიყენოს სანადირო, სპორტული, ცეცხლსასროლი იარაღი, საბრძოლო მასალა, ფეთქებადი ნივთიერება, ასაფეთქებელი მოწყობილობა და ცივი იარაღი აკადემიის შენობა-ნაგებობაში და მის საკუთრებაში არსებულ ტერიტორიაზე;
- 3.1.5. არ ითამაშოს აზარტული თამაშები აკადემიის ტერიტორიაზე;
- 3.1.6. არ გამოიყენოს მობილური ტელეფონი სასწავლო პროცესის მიმდინარეობისას (აუდიტორიებში, სასწავლო პრაქტიკის ლაბორატორიებში);
- 3.1.7. არ განახორციელოს პოლიტიკური აგიტაცია აკადემიის შენობა-ნაგებობაში და მის საკუთრებაში არსებულ ტერიტორიაზე;
- 3.1.8. მისი მხრიდან ადგილი არ ჰქონდეს სასწავლო პროცესის ჩაშლას ან ჩაშლის მცდელობას;
- 3.1.9. მისი მხრიდან ადგილი არ ჰქონდეს ძალადობის, შეურაცხყოფისა და ცილისწამების ფაქტს პროფესიული სტუდენტების/მსმენლებისა და აკადემიის პერსონალის მიმართ;
- 3.1.10. არ სცადოს შეფასების მიღება პროფესიულ მასწავლებელზე / განმახორციელებელზე მუქარით, ფიზიკური ან ფსიქოლოგიური ზემოქმედებით, მოტყუებით, თაღლითობითა თუ სხვა დაუშვებელი ხერხებითა და ქმედებებით;
- 3.1.11. პატივი სცეს სხვა პროფესიული სტუდენტის/მსმენლის და აკადემიის პერსონალის უფლებებსა და თავისუფლებებს;
- 3.1.12. არ განახორციელოს ისეთი ქმედება, რომელიც ზიანს აყენებს აკადემიის რეპუტაციასა და პრესტიჟს;
- 3.1.13. დაიცვას წინამდებარე კოდექსით, შინაგანაწესით, აკადემიის სხვა შიდა სამართლებრივი რეგულაციებითა და საქართველოს მოქმედი კანონმდებლობით გათვალისწინებული მოთხოვნები.
- 3.2. აკადემიაში არსებობს პროფესიული სტუდენტის/მსმენლის მიერ გაცდენილ საათთა აღრიცხვის ქურნალი, რომლსაც აწარმოებენ სასწავლო პროცესისა და სასწავლო პრაქტიკის მენეჯერი და საწარმოო პრაქტიკის მენეჯერი.

მუხლი 4. დისციპლინური პასუხისმგებლობა

- 4.1. პროფესიული სტუდენტის/მსმენლის მიერ წინამდებარე კოდექსით გათვალისწინებული ნორმების დარღვევისათვის მოქმედი შინაგანაწესით დადგენილია დისციპლინური პასუხისმგებლობის ზომები.

მუხლი 5. დასკვნითი დებულებები

- 5.1. წინამდებარე კოდექსი მტკიცდება აკადემიის დირექტორის ბრძანებით.
- 5.2. წინამდებარე კოდექსის განთავსდება აკადემიაში თვალსაჩინო ადგილას საჯაროდ გაცნობისათვის.
- 5.3. წინამდებარე კოდექსის გაცნობა ხორციელდება პროფესიულ სტუდენტებისათვის/მსმენლებისათვის.
- 5.4. წინამდებარე კოდექსი წარმოადგენს შინაგანაწესის განუყოფელ ნაწილს.
- 5.5. წინამდებარე კოდექსში ცვლილებების ან/და დამატებების შეტანა ხორციელდება მისი შემუშავებისა და დამტკიცებისათვის დადგენილი წესით.
- 5.6. წინამდებარე კოდექსის გაუქმება, მასში ცვლილებების ან/და დამატებების შეტანა დაუფონდლო უნდა განთავსდეს აკადემიაში თვალსაჩინო ადგილას საჯაროდ გაცნობისათვის.